





803



小畜集





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007




王
玄
州
小
四
部
書
天
集
部

王黃州小

畜集

四部叢刊集部



上海涵芬樓借江南
圖書館藏經鉅堂鈔
本影印原書高營造
尺六寸半分寬四寸
二分

宋王黃州小畜集原序

內翰王公以文章道義被遇太宗皇帝視草北門代言
西掖眷接優隆聲望最重咸謂咫尺黃閣矣偶坐事左
邊咸平初來於齊安在郡政化孚洽容與暇景作竹樓
無愠齋睡足軒以玩意邦人沐浴思惠為繪像立祠東
坡居士嘗親拜其下歷歲滋久經涉兵盜無一存者風
範歇絕音徽眇然良可太息平生撰著極富有手編文
集三十卷名曰小畜集其文簡易醇質得古作者之體
往往好事得之者珍秘不傳以故人多未見虞卿假守

於此追訪舊址躊躇增慨想見其人思欲以次興葺而
鈍拙無能數過不瞻輒且先其大者因以家笥所藏小
畜集八本更加點勘鳩工鏤板以廣其傳庶與四方學
者共之紹興丁卯皇上祀紫壇之明年六月庚申歷陽
沈虞卿書

王黃州小畜集卷第一

籍田賦 并序

臣謹按周制孟春之月天子親載耒耜躬耕籍田所以
事天地山川社稷先王醴酪粢盛于是乎取之恭之至
也自周德下衰禮文殘缺故宣王之時有虢公之諫秦
皇定伯鮮克由漢祖龍興日不暇給孝文孝景始復行
焉昭帝美田亦其義也後漢永平中明帝東巡耕于懷
縣非古制焉魏武親耕闕百官之禮蓋草創爾晉武太
始之年畧脩隆典宋文元嘉之代亦舉舊章齊用丁亥

之辰梁以建卯之月後魏北齊沿革有異隋朝唐室文物可觀太宗行之于前明皇繼之于後自茲已降廢而不用將煥先農必待真主皇家享國三十載陛下嗣繞十四年武功已成文理已定乃下明詔耕于東郊百執脫隨三農知勸禮官博士蹈舞而草儀甸師嗇夫歌詠而供職右拾遺直史館主禹偁再拜而颺言曰耕籍之義大矣哉千畝之田三推之禮所以教諸侯而事上帝率人力而成歲功實邦國之彝章皇王之大典昔潘安仁賦之于晉岑文本頌之于唐今王道行矣王籍脩矣

神功帝業煥其有光宜暢煩聲以播樂府謹上籍田賦一章雖不足形容盛德亦小臣勤拳之至也其詞曰十四年兮帝業遐宣寰區宴然乃順考于古道將躬耕乎籍田務本勸農稽前文而備矣事神教養舉墜典以行焉萬國歡心而懌々百官供職以度々草儀注于有司議沿革于遺編築北蟬之三陸閔阡陌之百廛文物聲明合禮經而有度旌旆衣服應方色而不愆既而屆孟春擇元日太史先奏天子將出是月也道人徇路星鳥中律當東郊之迎春是東作之平秩皇帝于是即齋

宮辭帝室戒錫鸞嚴警蹕乘青輅以有成儼朱紘而無
逸佩乎玉也懸黎之色蒼々載其焉中呂之之雲鬱々
屬車負播殖之器後宮獻種稔之實紅縻黛帔服葱瞎
以陸離縹旆紺轅駕蒼龍而飄歛太常之禮具舉司農
之屬各率甸師掌舍警御陌以惟嚴封人野廬設墳宮
而靡夫子國之東千官景從風清塵而習々雨洒道以
濛々時也木德盛陽氣充春芒甲拆青々兮葱々春土
脉起油々兮溶々冠蓋蔽野珮環咽風狀浮雲兮隨應
龍旂幟張日車徒塞空若衆星兮環紫宮脩農事以暢

暢讓春服之重々尔乃配少皞祠光農尸祝無媿豆籩
以供太牢之牲荐之而肥膾太簇之樂奏之而春客于
是脩帝籍勞聖躬撫御耦以無怠履游場而有蹤將循
乎千畝之制豈止乎數步之中耕鈎盾之美田但矜兜
戲脩建康之春籍耒煥農功有以見萬乘之尊三推而
舍或五或九降殺之義有倫尔公尔候貴賤之班相亞
嗇夫洒種以斯畢庶人終畝而告罷千耦其耕煥乎禮
成播百穀兮率人力訶載芟兮揚頌聲將見乎餘糧棲
畝腐粟如京神倉令納乎黍稷以備粢盛廩犧氏收其

小書集卷一
三
藁秸用餉犧牲親畝畝兮化被重民天而教行自得訓
農之實非貪慕古之名然後下青壇歸絳闕百姓知勸
群后咸謁在鎬之宴啟歌虞之音發獻萬壽兮惟呼奏
九韶兮鑑越開三面以行惠宥五刑而慎罰恩流于孝
悌力田德被于雕題辨髮興五土之利固必躬而必親
同三代之風復不務而不伐大矣哉籍田之禮豈三年
而不為躬耕之義將百代而可知我所以舉久廢之典
定不刊之儀慮弗動於四休將有害于三時務農桑兮
為政本興禮節兮崇教資民乃力穡歲無阻飢神農斷

木之功我其申矣后稷播時之利我得兼之供巨豷以
斯在介豐平而有期丕顯事天之禮誕謌祈社之詩祀
山川兮神鑒明矣配祖考兮德馨遠而永錫純嘏用光
孝思乃作頌曰倬彼東郊公曰是闡大君戾止言耕其
籍帝籍既脩乃及公侯親爾耒耜勤尔田疇言未忝稷
祀于園邱億萬斯年以承天庥又曰倬彼東郊耕壇其
崇大君戾止言詞其農之功既勗乃知榮辱尔家以給
尔人以足言奉蒸嘗遍于比屋億萬斯年以介景福

園林犬賦

嘉彼御犬既良且馴蒙先朝之乃眷向皇宮而托身有
警蹕以皆從無起居而不親繡組飾以煒々金鈴奮而
振々飼以公庖彭澤之魚兮曾何足道畜之土性西旅
之契兮詎得同倫健隨天步慵眠地茵効玲比夫異獸
供命等乎迹臣若乃風暖掖庭花繖禁禦扇侯錦翼之
雉籠近雪衣之女入楮袍兮曳尾聞霓裳兮率舞循遶
乎金塘徘徊乎瑤圃睨晚爐烟追隨熿炬見觀書于乙
夜聽求衣于未曙既無吠乎投籤每夙興于曉鼓莫不
嘿識聖心潛知天語備指顧以弗迷奉周旋而見撫第

辰遊而夕嬉人安在乎逐麋而捕鼠彼宋狙之與韓獹
又安得同群而接武者哉嗟乎事變人天時移今古秦
皇採藥島中之士未迴軒后練丹湖上之龍已去久舐
鼎以登仙對遺弓而戀主卧錦荐兮罔安啗鮮食兮弥
苦豐顛載減負重銜而不勝病骨其羸求樊蓋於何所
赫々顧命明々嗣皇念犬馬之微誠義存始卒徵父母
之所愛深增盡傷俾守園陵之地且殊盤匏之鄉縻索
緇以璀璨琢籠檻而熒煌仗陪鹵簿車逐輜輶鑠玄宮
以黯々號白日兮茫々松阡夜月松城曉霜依六尺之

與已成疇昔盜一杯之土亦足隄防表終天之巨宿甘
朽骨于龍岡狡兔盡而見烹禮殊炎漢駿馬死而陪葬
事類皇唐逸予生之介立荷太宗之維繫叨澤宮之一
第玷承明而三人耻懷祿以不吉維報君之是急胡薄
命之多屯顏寸功而莫集嗟白首于郎署慟梓宮而鳴
悵生未得圖形烟閣相英衛之難追歎不當賜葬長陵
豈蕭曹之能楫異臣哉之可歌信危也之罔及聊作賦
以自傷寄毫端而雪泣

大閱賦

大閱之義盛于春秋彼乃一國之軍禮千乘之諸侯曾
未若天子之大閱揚神武而闡皇猷天祚有宋授禪于
周太祖以武功戡定太宗以文德懷柔億兆人兮頌聲
作四十載矣王澤流二后上仙貽厥孫謀一人繼統承
天之休大舜孝思四海遏密高宗諒闇三年宅憂俯順
先王之喪紀重達百辟之勤求于是延英入閣端冕凝
疏鈞台錫宴拊石鳴球天地同和覩來庭之鳳舞君臣
相遇歌在蒸之魚游惟聖克念惟皇聿修方欲生擒頡
利血滅蚩尤輯大勳而光祖考練武經而平寇仇以為

天生五材孰能去其兵草武有七德子將整乃戈矛時
也鷹隼擊虹蜺收隕穉飛乎原隰嘉禾歛乎田疇因農
隙而順時令數軍實而修戎故野廬設次旬師奔命御
幄立天開教場平而霜勁雷動風行千騎馬乘于以威
八荒于以安百姓師出以律戎所以表嚴扛之稱噐不
示人戎所以執征伐之柄乃幸近甸出重城天步順動
帝車啟令申軍令以堰草揭靈旂于函荆赴之洗之衛
社之將帥皇之濟之扈蹕之公卿從龍雲合捧日霞生
鹵簿前驅案禮文而不忒搖招在上法天象而有程肅

肅戈戟鏜之鼓鉦期門飲飛雲蒸而鱗萃材官騎士岳
立而山橫旌旗衣服文物聲明列羽林之仗空細柳之
營錫鸞和鈴錘天籟於曉吹槍楛鋒盾戢星芒于太清
皇帝乃降步輦陞帳殿明誓六師誕修一戰法武侯之
陣永以縱橫按風后之圖親加訓練出游兵以定兩端
握竒數而制四面搖乾蕩坤飛霆走電八尾四頭千化
萬變間合舒卷若長山之蛇蟠涕涓喧闕如滄海之蠶
柝則有超乘賈勇載車為即挾輶射戟挽強愛張劍倚
清漢戈揮太陽可以越巨壑蹈崑崙氣壓于北方之強

又若掘產新羈渥注逸駕汗血蘭筋騰霜燄夜師子花
獐胡孫色楮可以走高山突平野勢吞乎南牧之馬莫
不虓若虎銳猛如熊羆鑿兵神速曠騎馳前禦其前
必恭張而補短陣間容陳亦鴈行而魚麗疾徐有節動
靜有期無窮如天地之運轉不竭如江漢之渺瀰沒而
復出如兩曜盡而復出如四時同子弟之親父兄急難
相救若手足之捍頭目斯須不離屹々然立不敗之地
堂々乎成無敵之師以虞待不虞則禍亂息矣治多如
治寡則進退隨之所謂有備無患居安慮危保寧宗社

震讐蠻夷暢皇威于禹畫生允悅於堯眉夫如是岐陽
大蒐安能竊迹驪山講武不足稱奇以此攻城何城不
克以此平戎何戎不北兵雖示乎服習戰必分其曲直
周武桓々之衆尚以仁而伐不仁漢高將々之材固關
智而不鬪力既而皇歆極白日斜還北闕御東華宴喜
斯備慶賞有加氣增堡障聲動幽遐通太漠極荒流沙
佇見破天親可汗之名風行紫塞賜奉國契丹之印永
屬皇家帝庸乃作歌曰順時獮狩安邊禦寇揚我武兮
師人輯睦軍陣習熟威醜虜兮不教而戰抵取敗兮不

戢自焚予深戒兮近臣再拜而賡歌曰秋大閱兮威窮
邊兵力銳兮人心堅封狼居兮禪姑衍抵瀚海兮登燕
然俾遁逃兮無地咸扶服兮朝天無外之化兮被率土
升中之禮兮告上玄然後飛英聲介景福億萬斯年

三黜賦

一生幾日八年三黜始貶高於親老且疾兒未免乳呱
呱擁樹六百里之窮山唯毒蛇與贖虎歷二稔而生還
堯舉族而無苦再謫滌上吾親已喪凡筵未收旅櫬未
奠泣血就路痛彼蒼兮安仰移郡印于淮海信靡鹽而

執掌旋號赴于國哀亦事居而送徃叨再入于掖垣何
寵祿之便蕃今去齊安髮白目昏吾手有孫始笑未言
去無騎乘留無田園羝羊觸藩老雀乘軒不吾知者猶
謂乎郎官貴而郡守尊也於載令尹無愠我之所師下
惠不耻吾其庶幾下和之則吾乃完肌曹沫之敗吾非
輿尸緘金人之口復白圭之詩細不宥兮過可補思而
行兮悔可追慕康侯之畫接兮苟無所施徒錫馬而胡
為効仲尼之日省兮苟無所為雖歎鳳而奚悲夫如是
屈于身兮不屈其道任百謫而何虧吾當守正直兮佩


仁義期終身以行之

周極賦

後周廣順太歲甲寅季秋戊子實生吾身稟粹和于西
儀荷鞠育於二親粵自始孩建升成人求名得名于祿
得祿痛吾母之早終受君美而捨內丁吾父之大憂徒
倚廬以食粥被朝恩之抑奪履人事而棲迷五鼎或來
美仲由之斗米三牲縱具非茅容之隻雞豈無兄弟各
懷祿而懷，亦有子孫方嬉戲乎孩提兄食兮紀綱之
僕多病兮糟糠之妻望松楸以暮泣履霜露而晨啼今

日何日家人舉爵祝我壽考勸我歡樂感懸弧于茲農
今陟岵而淚落換斑衣兮純素變華顛于總角孰謂儒
者不如農夫良田十畝桑桑百株無求于人身何憂其
悔吝必出于力養未問乎精龜父母俱存緼袍重孺子
弟匪懈夕耕曉鋤雞豚掩豆黍稷盈壺草堂為壽其樂
只且嗟乎吾不得而反也賦周及而長吁

王黃州小畜集卷第一



王黃州小畜集卷第二

律賦 有序

禹偁志學之年兼筆為賦逮乎策名不下數百首鄙其
 小道未嘗輒留秋賦春闈粗有警策用能首冠多士聲
 聞于時然試罷即為同人掠奪其草于今莫有存者淳
 化中謫官上雒明年太宗試進士其題曰危言日出有
 傳至商山者駭其題之異且難也因賦一篇今求向所
 存者得數十紙焚弃之外以十章列為一卷仍以危言
 為首尊御題也

卮言日出賦 盈側空仰隨變和美

卮之為物也空則仰滿則傾伊斯言之無像假歟器而強名日出弥新尚安知其邊莫天倪自得亦胡繫于虛盈豈不以卮無所識每逐物而歆惻言無所執但因時而語嘿諒何思而何慮固靡失而靡得用能滿天下以無過体寰中而可則徒觀夫卮餽既以弗定言支離而不窮孰見兆朕難明始終冥其心若虛舟之泛水應乎物類天籟之鳴空是以至道無形至人絕想詎難追于駟馬賢冥求于象以不器之器是資以不言之言為上

存于身則大智之閑、移于邦則王道之蕩、喻鳴鐘之大小物莫我欺取膠柱于樞机吾將安仰大哉卮也者既異歌器且殊滿卮言也者亦非確論又非詭隨知萬物之種也奚千里而應之智過挈瓶檮杌之書徒爾信踰盈缶連山之象云為故曰不言則齊同形相禪巧如簧兮非偶卒若環兮無變得之者毀譽兩忘失之者是非交戰詳夫卮有空滿于義則那言無準的在理云何亦猶君不言而默首化凡不言而玉燭和是以大道五千取不知而立誠寓言十九藉外論以同波今我后

據北極之尊窮南華之旨思欲体清淨而率北庭故先命辭器賦而試多士盛乎哉崇道之名不為虛美

天道如張弓賦

王者喻身則此宜施

上天如之何匪謙莫益張弓如之何匪高莫抑瞻倚杵之為狀考彎弧而取則所以老氏頤之以言立玄言王者法之而建皇極豈不以天實虧盈弓唯審固既命中以有式若無親而設喻善惡之效自應弦而靡差禍福之祥同流矢之所注吾嘗觀善射之人如天道方有倫下者舉其勢高者俯其身左馬右人落毅中而不失十

發九中如掌上而弥親又嘗觀上玄之理与張弓弓匪異捐有餘以示誠補不足而平施小人用壯唯太極而是惟君子好謙乃百祥而成革又嘗觀上聖之姿法天道芳緝熙令先禁於強暴心不忘于惇嫫百姓与能自樂財成之道四時咸序爰婦輔相之宜天之道也既如彼弓之義也又如此懿乎男子之事克叶聖人之旨自可移于邦求諸己盖哀多益寡者馬唯舉下抑高而已夫如是則張其弓挾其矢体由基之所長天道遠人道迩非禪竈之能量是以君者撫其弱抑其強如猿臂之

小論集卷二
三
蓋妙中鵠心而允臧向使天理或爽君道靡常自然反
時而反德又烏可稱帝而稱王哉故曰孰能以有餘奉
天下唯有道者

仲尼為素王賦

儒素之道尊比王者

鳳鳥至不芳河不出圖聖人無位兮立教崇儒道之將
行但棲遲而歷聘民受其賜猶南面而稱孤有以見同
乎王者孰云乎蓋出司徒者也原其運屬陵遲力興儒
素道將倖于皇極化實被于黔庶文行忠信設萬世之
紀綱禮樂詩書崇百王之法度于時也魯道有湯周德

下衰言念萬國將同四夷不有聖也誰其救之我所以
行教化序尊卑造次顛沛兮于是東西南北兮忘疲用
能定君臣父子之道述皇王帝霸之基夫如是則土無
二以並矣位通三考偉而異夫振乃素風齊諸大寶贊
易象矣奉天時脩春秋兮行天罰講於洙泗初彰化下
之功登彼泰山爰契升高之道自然其教斯廣其號弥
尊豈止同明於日月亦將比德於乾坤居無安四載勤
之勞是効弋不射宿三驅之田獵斯存蓋由宅一畝以
卑宮佩五常而克己其位也因於陪臣其道也齊於天

子列四科而升十哲入凱何殊誅正邪而斬非優凶
竊比聖德洋洋同諸帝王行束脩而陳玉帛端縫掖而
垂衣裳夢見周公求傳囑而允理問於老子師尚父而
弥光大哉道濟古今教流華夏瞻不泯之廟貌若無疆
之宗社悲夫商辛夏癸子號獨夫又安得比於儒者

君者以百姓為天賦

君有庶民如得天也

勿謂乎天之上能覆於人勿謂乎人之在下不覆於
君政或施焉乃咈違於民意民斯叛矣同謫見於天文
在乎觀百姓之勞佚豈止仰一氣之網緼而已哉徒觀

乎浩々玄穹蚩々黔首覆盂之狀何在倚杵之形莫有
苟知乎御之以道亦類乎戴之而走悠也久也固無杞
國之憂養之育之宛是媯皇之手取彼穹昊方茲兆民
匪在蒼之色勿輕蠹々之人難令不從反時之災是比
撫我則后無親之義斯陳可仰兮匪獨高明可畏兮亦
推黎庶每慮其一不獲竊於此御

驗忠紂以

歸周似厭秦而授楚是知祭彼哀樂同茲憐舒但人心
之悅矣任天道之何如教以文章似列星辰之際示之
淳朴凝歸混沌之初想夫君既柔懷民同剛克姑畏以

則可苟暴殄而安得與人歌頌乃大舜聞自我聰
明信惟堯之是則大矣哉善化民者以天為則善知天
者以民為先若天人之理洞達則帝王之道敷先寧資
禘竈之言斯為妄矣自取夷吾之說不亦明焉今我后
子育兆民砥平九野上惟奉于空旻下每矜于鰥寡自
然以百姓為天萬方一歸也

復其見天地之心賦

天地幽蹟觀象斯見

動者天地之用其震也勃焉靜者天地之本其復也寂
然故二儀之心乃見七日之義斯立自可要終而原始

何必俯地而仰天豈不以復卦之義雷入于地既及本
以無朕亦見心而有自跡君不撓遂明萬化之源剝道
方終未覩一陽之至其或鼓萬物盪六幽上健行而弗
息下剛克而弗休蒙亨艮止以互作雷動風行而不收
此乾坤之功也心無得而可求及其化功成物理革高
明之休無用沉潛之形莫索凝然若混沌之未鑿寂兮
如庖犧之未畫此乾坤之本焉心有來而可賸得不窮
動靜之旨審語默之端其心斯在其妙可觀聖人見之
則政尚簡教尚寬弃智而化萬姓垂衣而總百官故帝

堯之道文思安々非復之義者諒至此而攸難君子見
之則返諸身視諸掌既絕慮于嗜欲乃游神于罔象故
孔子所謂其道蕩々非復之至者亦捨此而奚往是知
運行者天地之時寂靜者天地之基心亦在其中也物
莫得而見之坐忘遺喪之人于茲得矣五日閉關之義
何莫由斯我后端冕凝旒窮神知變希夷之理斯極清
淨之風克扇大哉天地之心明々而可見

尺蠖賦

尺蠖之屈以求伸也

蠢尔微虫有茲尺蠖每循塗而不殆靡由徑以或躍懼

連登之易顛固將前而復却所以仲尼贊易取譬乎屈
伸老氏立言用嘉乎柔弱我嘗考畫卦之深旨見觀象
之有以盖美其時行則行時止則止寧鳧超以鴻漸不
磨驚而鵲起知進和退造幾微于聖人一往一來達消
長于君子物有以小而喻大事可去彼而取此至若春
日遷々品彙熙々知時應候附葉尋枝每委順而守道
不踳進予多岐自中規而中矩非載驅而載馳其行也
健而不息其氣也作而不衰曲乎形類形弓之彎矣隆
乎脊狀祝款以陳之豈比乎虫張網而後々蟻循磨而

致者哉懿夫微物尚有伸弓有屈胡彼常流但好剛而惡柔苟克己以為用矣反身而是求得不觀所以察所由驗人事之倚伏考星躔之退留自然寒暑相推而歲功及物日月相推而大明燭幽者也其或昧其机循其跡不知我者謂我進寸而退尺探諸妙噴諸神知我者謂我在屈而求伸異蜂蠆之毒唯思螫人等龍蛇之螫實可存身夫如是則龜怒而受式非度德者螳螂奮而拒轍豈量力也夫若尺蠖兮慎明行止明用捨予將師之庶悔吝而盖寡

聖人無名賦 凡聖之道無得稱焉

聖人執大象體乾元雖有教以及下故無名于自尊仰之弥高強配乃神之號為而不有矣矜惟嚮之言原其先天之謂道体道之謂聖所以居域中之大所以為天下之正惟淡惟默固抱璞以含章不識不知豈命氏而考姓所謂上德不德無為不為其作也萬物斯覩其用也百姓弗知難審知于耳目徒象之于希夷亦猶微妙者神焉蓋強而名矣蒼黃者天也但據遠視之徒觀其妙有群生躬臨大寶寧鑽燧以啟祚豈巢居而建號聰

明盡黜罔求濬摛之痕迹用弗彰但守虛無之道得非
喪天下於華胥得衷中于道樞地身牛首兮非吾之耦
雲官鳥紀兮莫我為徒孰躋王而黜伯孰追堯而禪虞
其或稽之以帝錄皇圖則視之若無求之以溫恭允塞
則名之莫得亦何必謂粟陸氏以居尊據軒轅立而啟
國者哉所謂莫之與京無得而稱探至蹟以為用曷常
名而足徵尼文復生欲憲章而何取子長雖在思紀列
以無能今我后尚黃老以君臨闡清淨而化下抑徽號
於睿聖翁玄風于華夏有以見聖無名兮神無功信大

人之造也

橐籥賦

天地之間其猶橐籥

伯陽以体道立言探乎極玄見軋坤之用也取橐籥而
比焉豈不以德無彊者謂之地功不宰者謂之天譬翕
張而氣作猶吹煦而聲傳用能萬物自化八音充全故
王者法之以虛受帝道用之而無偏者也原夫橐也者
利于鼓風籥也者存乎運吹雖有質以充殊且無心而
匪異故可以侔造化比天地一闔一闔勃焉而元氣生
變宮變商冷然而正聲至亦如天道無為地道溥施于

以麗百穀于以行四時皆應中為動也故自外而應之
是以橐之用則飛霆走電籥之運則如填如箎信天地
之義若此而橐籥之理在茲得不求諸繫表取自無間
不言而應物妙用而循環趣聖域叩玄闕味其旨者徒
小心翼之得其要者惟大智閑之是知虛而不屈為橐
之師動而愈出為籥之資本虛無而生矣因形器以觀
其所以天地之心悠之久也帝皇之道斯焉取斯懿夫
二儀昭合一氣夷猶或動或靜克剛克柔取乎鞠氣焉
動而物來斯應類乎笛也樂出而人無我求至矣哉天

地有大德其鼓動也于橐于索天地有希聲其煦嫗也
維竿維籥雖小大之不類信擬議而成若今我后道合
希夷心無造莫蓋囊括以為用豈管窺而可度所以百
姓日用而不知又孰見聖人之有作

醴泉無源賦

王者之瑞何有源本

泉本靈長皆從濫觴柯無源而自湧應有德以呈祥厥
味甘可飲九苞之鳳其液不濁寧朝百谷之王豈不
以地乃至柔水惟善下不愛其寶于其光乎聖人感而
遂通于以歸乎王者俾沸涓以出焉奚疏鑿之謂也神

化難知汪洋在彼視之者孰分似帶挹之者咸謂如飴
匪自高山非貳師之刺矣不居絕塞豈耿恭而拜之有
以見德及于地不期而至其潤也齊乎聖澤其湧也借
乎睿知浪井不鑿我則同出而異名靈芝無根我則重
祥而疊瑞稽夫是泉也其源不見于義則那其味且旨
在理云何得非源之隱也與凡流而有異味之美也表
聖德而靡它不然又安得匪因掘地而自可蠲痾者哉
出鳥鼠者非吾之耦產蛟龍者亦孔之醜鄙河水之九
曲笑涇泥之一斗自然而然非有而有考乎彼冰應居


水府之先效彼休禎合列祥經之首是何不在高原波
騰浪翻孰知乎桐柏孰謂乎崑崙任大禹之功深寧婦
畎澮縱張騫之力蓋曷識根源士有自立身謀非因世
本桴學海以斯久道言泉而漸遠期作瑞于昌朝免常
流之一混

火星中而寒暑週賦
心火中則寒暑斯退

惟大火之熒臨亦舒陽而慘陰寒暑相交於時令經躔
必在于天心冬夕子烏栗烈之風自止夏宵中矣鬱蒸
之氣爰沉不知誰為種榆其者曰火隨眾星以拱極正

氣而在我小人怨咨之語望之則銷大鈞改與之期違
之莫可所以指命顯頊凱旋祝融自然無出其右寧勞
舉正于中尔疑日取逐暮陽之戈再懸碧落定星示楚
宮之役迥推長空遂使初寒知難而少抑暑兩交而自
息垂繒之壞知正衣葛之人動色不知我者謂我執造
化以弄权知我者謂我正陰陽而作則類聖人之南面
令之而必從任天道以右旋踰之而莫得至若北陸凶
殘人斯鮮歡層冰飛雪以俱至挾纊重裘而罔安我之
中矣可以却彼司塞又若南訛赫怒人失其所隳砂爛

石以何盛輕篋織締而曷禦我之中矣可以祛其酷暑
是何表正二儀亭：在茲營室樽巢兮取之于彼收藏
長養兮何莫由斯標不宰之功所以均平六氣示無言
之信所以成乎四時天矣哉行度無差寒暄自退天垂
象以是仰世作程而斯在年：兮東作西成明：而可
大



王黃州小畜集卷第三

酬种放徵君

一百韻此篇命為首重高士也

太歲在辛卯九月萬木落是時太陰虧占云臣道剝王
 生出紫薇遣逐走南維扶親木抱子邊遷過京索敝車
 載書史病馬懸囊橐西都不敢住空負香山約閱鄉正
 南路秦嶺峭如削肩輿礙巨石十步三四却妻孥亦徒
 步磧磔不容脚山居蓋木皮烟火渾燼灼夜深聞賢虎
 全家屢驚懼小泉何縈回切列無
 約却鞍引羸蹄解
 襪事茫屨晨澗駭可鑒朝涉脛如斲商山六百里天設

皆岩崿上絡在其中狴牢曾未若逐臣自可死何必在
 遠惡刺史不我顧古寺聊淹泊卜居雜民氓致養無精
 業知道由自寬有親強為樂側聞神先生終南臥雲壑
 長沮既躬耕元禮仍開學王績婦未娶介潔翹孤宦之
 推母偕隱教誨脩天爵詩情亦嗜酒道氣不服藥田衣
 剪荷芟野飯烹巨翁霧豹澤文彩冥鴻避繒繳肯泛為
 鷹聘唯恐簪裾縛如何宋右史鴟鴞議鴟鴞起居舍人
種放隱居終南乞量才錄用隕為識者所笑玄纁與丹詔恩禮誠非薄仍勅
 京兆府敦諭辭恭恪先生戀板輿純孝心堅確散髮走

烟巒拜章謝恩渥巨材猶在澗大玉不出璞使者遂空
 迴軟輪何寂寞賢母名徵君廷責詞嗚之胡為章事句
 漏名入街郭府縣汚我山胥徒噪吾幄以茲近聲利安
 得成高邈誓將徙窮谷庶可逃諠濁先生拜引過為壽
 開樽酌陶、又熙、何帝聞竿蒿人傳到迂客面目敷
 慙作器小識不遠當年事頭角遭時得一第游官何礙
 齷逐羶甚此蜉聞耀同蜩螗宰色之弦諤諫垣無謬謬
 便蕃朱紫綬潛添絲綸閣方號駮、龍已困信、捉待
 罪始知非

咄哉山野性謨畫味方畧搔首

謝朝替行將返耕鑿

寄獻鄜州行軍司馬宋侍郎

鉅賢如木鐸一振聲蓋代
 人文曲星譴謫落下界
 辭源發崑崙意盡若倒海
 昔在神德朝少秀負文彩
 擢第應制舉
 試拂華蓋醉揮拔萃
 判萍根密非種
 迥苔自斑駁
 岸草亦蒼葦
 奉官醞綠開屏時
 果青出籠醉中猛別
 復依約似一夢
 唯愁當要路時復
 萎闕茸解梁雖近山
 坑壟費耕種常風自
 鹽南日夕塵壅暮雲
 泉既遼遠草樹非秀
 聳克茲炎蒸月繫縛
 何所動緬懷八龍會
 南溪

與誰共棣萼本多才
 甘棠應少訟枕簟與琴書
 鶴原聊自奉篇章
 取李杜講貫本姬孔
 古文閱韓柳時策聞
 晁董清吹席上未
 當暑開冰凍菱腕擘
 瓊枝瓜甘浮蜜甯
 氣秋綠篠戩露圓荷
 捧獎湖小賀監溪堂
 輕馬總此景且不同
 此懷可長慟平生好
 泉石况復官散冗
 近聞田紫微連水許
 就俸田舍人量務軍州表
 接例苟得請申湖
 當入用終老占溪居
 以看秋泉湧

七夕 商州作

去年七月七直廬閑獨坐西日下紫垣東窓暈青瓊露



柳蠹忽鳴風簾驚頻過寂：紅芍堦撞花間一朵時清
 無詔誥性澹忘物我兀然何所營橫枕通中臥夢入無
 何鄉蛺蝶甚么麼孰謂處深巖自得放慵惰中官傳宣
 旨御詩令 牙含露採石髓和烟酌菓田泉滌且園綺
 芝盈握有時上及頂星斗下可摸下視塵世人營：似
 重嶠男兒既未駮出處歧路各苟非秉陶鈞即去持矛
 槩致王比唐真安邊如衛霍不尔為逸人深居返吾朴
 胡然自錄：名節日銷錄行年過年世功業無圭勺無
 術鑄五兵使民興錢鑄無材統六師逐寇開沙漠空言

說王道肆日看人瘦多慚指佞少虛效傾心藿一覽大
 雅文起予亦可博况茲芥薑投請助醉吟入室生徒在

寄題陝府南溪兼簡孫何兄弟

申湖在陝服自昔名所重許昌擅唐律人口尚傳誦舊
 跡固慕莽勝槩猶出眾前年謫商於遇此方憂恐無暇
 濯溪泉惻々心甚痛量移遇恩宥方寸稍放縱故人孫
 漢公勤懇事迎送泥車得三宿延我入溪洞春殘尚有
 蝶夏首始見竦朱櫻實頗繁黃鳥聲亦啞地幽接府署
 亭高瞰村壘紫砌水逶迤入簷山龍從鯉翻自躍金螭

篆燒餘永石危君子介筍乱小人勇虛凉集鷗鷺爽瑤
無蚊蠓莛葉巧如剪



[Faint bleed-through text from the reverse side of the page, including characters like '壽', '天', '地', '人', '道']

浮漱澣大笑引淳風樽前一長吁
 今茲當委頓自昔無先覺一聆高世
 行罪戾方可擢忌恥賦三章塵埃寄明年
 會恩宥量移并蛙躍靡暇謁南山征途望
 西嶽黃沙波涵湧白運莒斑駁中條圍解
 縣五老烟霞此為郡副烏敢事蹟獲籠禽
 幸未久尚且謀飲啄未呼村婢春糞領山
 童斫餵馬梓寒蕪看書蕪秋擇信口亦吟
 哦放心無遠莫君恩已絕望人事終難度
 相府一張紙喚起久屈蛟誠知有梁棟未
 忍弃橡栢五城天上開三殿

雲間卓重取故衣冠籠裏山猿獲病翼得
 風雲坏墻芳楮聖諫官与史氏詹職聊羈
 絡舉袖拂石螭凝眸睨金雀冥心想前事
 一夢何揮擢長恐先生聞倚松成大噓
 閨中朋友采遺我神仙作繁華遠客綺錦
 鏗美人錯古澹吸銅羹文雅鏗木鐸千言
 距首韻旨趣何綽孰念象如虹翻然輕抵
 鵲後甚麻姑孤快比屠門嚼渾金豈在
 銘尺璧寧施琢愈風齊捧檄忌味同聞樂
 致之向懷抽日夕芬蘭若寢我塵俗韻鉛
 刀化干鏑同聲必有應過實還疑謔感夸
 山中事雲屋張霞幕蘭屬和驚起儼

衣冠拜舞蒼苔破送翰龍蛇走雅調金石播洋、治世
 音乃賡強牽課暮隨丞相出自謂天上墮歸來侮乞巧
 酒散間瓜果海物雜時味羅列繁且夥家人樂熙、兒
 戲舞婆、叶韻蘇寵若方若驚倚伏忽成禍九月謫商
 於羈縻復窮餓鳳儀困鷓鴣赫驥足翻鸞跛山城已僻陋
 旅舍甚叢胜夏早麥禾成春霜花未挫吾親及哀耄吾
 命何輒軻稚子啼我前孺人病我左玄髮半凋落紫綬
 空垂拖容計魚脫泉年光蟻旋磨昨夜枕葦涼西郊忽
 流大河漢勢清淺牛女妾婀娜商土本曉昏商民久勞

瘴霜旱固

賴舉家成大笑愁眉畧舒轉自念一
 歲間榮辱兩偏頗賴有道依據故得心安安穷乎止旅
 人達也登王佐筮瓜逆繫滯糠粃任揚簸批鳳不足言
 失馬聊自賀委順信吾生無可無不可

讀漢文紀

西漢十二帝孝文最稱賢百金惜人力露臺草芊眠千

里却駿骨鸞旂影迂廷上林慎夫人衣短無花鈿柳細
周將軍不拜容橐鞬伯業固以盛帝道或未全賈生多
謫官鄧通終鑄錢謾道膝前席不如衣後穿使我千古
下覽之一泐然賴有佞倖傳賢哉司馬迂

合崖秋

合崖向歆堂秋水何神融灣污豎積潦滯泥不朝宗有
時見鬼怪無人荐王公止可飲麋鹿未當產蛟龍山岵
自神之祠祀衆口同今春高於早太守職憂農先請境
內山熊耳有如聲乃迎是秋水盈乎素在中川民与郡

吏覲女雜巫童朝祈人夕禱拜起虔且恭馨鑪復奠爵
牲幣潔而豐遠与天雨會三日勢濛濛致謝送水婦盡
禮有始終水旱盡定教灾祥与政通傳岩道喪久咄爾
貪人功

吾志

吾生非不辰吾志復不卑致君望堯舜學業根孔姬自
謂志得行功業如學夔既登俊秀科人在清切司諫紙
無直言論誥多媿辭黽勉為何事親老与妻兒一旦命
執法嫉惡寄所施丹筆方肆直皇情已見疑斥逐深山

中穷辱何贏、于張及不得安用此生為

于定國張釋之

携稚子東園刈菜因書觸目兼寄均州宋四閣長
大鸞引新鷓小鷓哺老烏青、樹木間禽鳥聲雖娛我
携二稚子東園擷春蔬可以奉晨羞采、供負厨非肉
誠不飽割身實無餘緬懷宋閣老同日出京都謫官不
携家留妻事老姑塊然武當下此樂園亦無

四皓廟

秦皇焚舊典漢祖溺儒冠萬民在塗炭四老方晏安白
雲且高臥紫芝非素餐南山正優游東朝忽艱難高步

揖萬乘拂衣歸重巒飛鴻自冥、束帛徒爰、古廟對
山門清風向人寒更無隱遁士空有賓客官况我謫宦
未塵跡臥祠壇朝衣懸蕙帶佩玉媿紉蘭或依階下樹
迹署解馬鞍或前備廟前水乘秋把魚竿吾道多齟齬
吾生利盤桓登山殊未倦飲水聊盡曠精靈莫相笑此
意樂且盤

其二

小言望小利載在禮經中遂有鷹犬輩拔劍各爭功一
出定禹乘去若冥、鴻寂、千古下孰維採芝翁

不見陽城驛 有序

予為兒童時覽元白集見唱和陽城驛詩植賤
 江陵過南山感陽道州而作是詩也且改駟為
 避賢郵不忍呼其諱也樂天在翰林得而和之
 又見杜紫微富水駟詩題下解云富水駟舊名
 與陽諫議同卒章曰駟名不合輕移改留警朝
 天者惕然淳化二年秋九月予自西掖左宦商
 於訪其駟則無有也驗之圖經求諸郡境則富
 水地存而駟廢陽城之號遂莫知矣因作古風

詩申明三賢之作且以不見陽城駟為首句至
 于道州之行事元詩盡之矣此不復云

不見陽城駟空吟昔人詩誰改避賢郵倡首元微之微
 之謫江陵顯倅為判司路宿商山駟一夕見嗟咨所嗟
 陽道州抗直貞元時亦被斥逐南荒終一麾題詩改
 駟名格力何高竒樂天在翰林亦知迂客詞遂使道州
 名光与日月馳是後數十年借問經者誰留題富水駟
 始見杜紫微紫微言駟名不合輕改移欲遣朝天者惕
 然知在茲一以諱事神名呼不忍為一以名警眾名存

教可施為善 雖不同 歸化之基 迹未及百稔 編集
空鱗差我迂 上雖郡罪 謹身繫維 舊詩猶可誦 古駟殊
無遺富水地 雖在陽城名 豈知空想 數君子 賈珠若累
纍 三章詩未泯 千古名亦隨 德音苟不嗣 吾道當已而
前賢尚如此 今我復何悲 題此高於駟 吟之聊自怡

歲流亡

謫居歲云暮 晨起厨無烟 賴有可愛日 懸在南榮邊 高
春已教丈和煖 如春天門臨 商於路有客 憇簪前老翁
与病嫗 頭髮皆皤然 呱々三兒泣 斃々一夫鰥 道糧無

斗粟路費無百錢 聚頭未有食 顏色頗飢寒 試問何許
人 荅云家長安 去年闕輔早 逐熟入穰川 婦歿埋異鄉
客貧思故園 故園雖孔迤 秦嶺隔藍關 山深號六里 路
峻名七盤 強負且乞丐 凍餒復險艱 唯愁大雨 霽雪疆
歿山谷間 我聞斯人語 倚戶獨長歎 尔為流已容 我為
兄散官在官 無俸祿 奉親之甘鮮 因思筮仕 未倏忽 過
十年 我冠蠹 黔首旅 進長素 餐支翰 皆徒尔 放逐故宜
然 家貧与親老 親尔聊自寬

除夜

四十強而仕禮文可遵守筮仕已十年明朝三十九自
知得祿早左宦誠宜有年雖過潘岳未為全白首貧猶
勝墨子黔突聊供口若比張辟疆吾甘為老醜若比太
公望吾方為少秀任送新歲未且獻高堂壽更解金貂
冠多賞商山酒

竹飴

商嶺多修篁蒼翠連山谷有胤生其中荐食無厭足春
筍蓄生犀秋筠折寒玉飮飽致肥脂優游恣蕃育林密
鳶不攫冗深犬難逐鳳凰餓欲死彼實無一掬唯此竹

間鮑琅玕長滿腹暖戲綠叢陰舉頭傲鴻鵠不知高山
民愛尔身上肉有錘利其鋒有錐銛於鏃開穴窟如因
洞曾聲自哭膏血尚淋漓携未入市鬻竹也比賢良鼠
芳類商俗所食既非宜所禍誠知速吁嗟狡小人乘時
竊君祿貴依社樹神俸盜太倉粟莖篋接舌鳴燕石嘉
言伏朝見乘大權夕聞鼙鼓戮李斯具五刑趙高夷三
族信有司殺者在暗明于燭彼狡勿害賢彼鼠無食竹

觀鄰家園中種麥示嘉祐


比鄰有閑園瓦礫雜荆杞未嘗動耕牛但見牧豚豕今

夏赤旱天斷咏誰家子播種甚莽園苗稼安能起秋來
連月雨柴門晝不啟新晴一携杖出戶聊從倚重到田
中立黍稷何疑已吐穗欲及肩烏雀聲亦喜力穡乃有
秋斯言不虛矣向使懶種植荒榛殊未已有書閑不讀
為學還如此


蔬食示如舍弟禹金并嘉祐

吾為士大夫汝為吏子弟身未列官常庶人亦何異無
故不食珍禮文明所記况非膏粱家左宦之貲費商山
禾侵旱穀價方騰貴更恐到明春藜藿亦不繼吾聞柳

公綽近代居貴位每逢水旱年所食唯一器豐稔即加
籩列鼎又何媿且吾官冗散適為時所弄汝家本寒賤
自昔無生計菜茹各須甘努力度凶歲



王黃州小畜集卷第三



王黃州小畜集卷第四

懷賢詩并序

僕直東觀時閱五代史見近朝名賢立功立事者追慕
不已思欲形于詩詠而未遑今待罪上雖不与郡政專
以吟諷為事業因賦懷賢詩三首仍以官氏列于篇首
云

桑魏公維翰

魏公王佐才獨力造晉室揮手廓氛霾放出扶桑日感
慨令風雲周旋居密勿下民得具瞻上帝賚良弼況

帷幄謀落、政事筆品流遂甄別法令頗齊一跋勒朝
據案論兵夜造膝多士君駕鴻官材咸有秩諸侯如狼
虎請謁盡股栗秉鈞多事朝綽、有紀律遠將留候比
近似贊皇匹志在混車書誓將闡儒術皇天未厭亂運
去何颺歛高祖厭寰區少帝無始卒老成既疎遠群小
相親昵躡武兵漸驕倒懸人不恤和親絕強虜謀即用
悍卒魏公在藩垣上疏論得失七事若丹青碎切痛入
骨忠言殊不省直道果見屈鐵馬從北來烟塵晝蓬勃
穹廬易市朝左袵雜纓紱主辱臣不灰囚縛自安逸唯

公獨遇害身殞名不沒惜乎英偉才濟世功未畢一讀
晉朝史遺恨空鬱、子孫亦不振天道難致詰

李兵部詩

有唐張曲江盛名何曄曄請誅安祿山先覓不見約胡
雖有反相其事遠相接賢人何代無舊史聊可獵兵部
事晉朝文學中科甲強臣方跋扈朝士多惟怯獨持上
方劍願斬犇鯨鬣堂、張彥澤反勢凌閭闔拜章請顯
戮直氣不可壓三進叩玉墀植笏立莫英皇情弥慰撫
清問屢應答給烏念小思曾不頽大業高吟歸去詩潺

小書集
卷四
後淚承睫旋踵即亂華有同虞不臘張公領鉄馬朝市
胡塵合刺謁甚閑詳辭氣殊不懾虎狼不敢害加禮為
下榻當年弄譽謬異代居調變相在席不煖帝澤安可
洽斯人既淪止此風亦蕭颯滑稽何足累大節世已乏
安用學腐儒矻矻守禮法

王樞密

林

西樞經緯才慷慨遇真主文學中甲科風霸叅霸府直
躬在密勿未始畏強禦凭案讀古書箕踞視太祖澤欲
浸生民化將還邃古折寺過武宗排佛如韓愈盡駁群

芟芻使之藝未忝兵威遂強盛人力不耗蠹世祖征淮
甸委任當留務馬前拜侯伯階下列楫斧叱咤氣生風
將校汗如雨手築太平基胼胝不輟杵具瞻人有望衰
運時不与修短天難忱穢奪民何祐沾恩深小斂撫楫
甚悲沮云已復殄瘁前哲非虛語世起之賢良難具文
武力象過義和文章敵燕許可能隨眾人冥冥歸塵土
子孫雖衆多必復事未覩誰銘遷客詩高揭王公墓

五哀詩有序

予讀杜工部八哀詩唯鄭廣文蘇司業名位僅不顯者

餘多將相大臣立功垂裕無所哀矣噫子美之詩蓋取人之云亡邦國殄瘁而已非哀乎時也有未主于此者待同志而嗣之云

故尚書兵部侍郎琅琊王公祐

琅邪名文子少孤起徒步贄謁秦魏公漆鑑非易与撫頂久歎息王楊許為伍諸侯取為官佐幕大名府主帥杜重成功大心跋扈天驥被繫維神龜罹網罟六師薄孤壘三面開生路主人既釋放賓筵因註誤逼脅本非辜貶謫尋不赴折腰紆墨綬搗翼久未舉梁竦耻州縣

長卿有辭賦裏行旌色政柱史登朝署抨彈志不樂潤色身有素錦窠應列宿星垣吟藻樹丹青生帝典金玉鑑王度東觀秉直筆南宮司貢部時英萃門下謁勝嘉譽鵬掀六月風豹蔚七日霧多材同列忌嫉惡茲人怒排斥累專城織羅仍典午名官頗流離衣食常貧窶文明起代邸振拔非不遇紫微雖正拜白髮已遲暮史魚直有遺張也則不吐非才占清列志欲投兕虎英俊在草萊力能生翅羽毀譽兩無私華袞間蕭岑掌選循故實尹京耻鈞距名位僅三事疾瘵嬰二監告滿拜貳

卿君恩慰沉痾終見指人姜蕭空寵墓鯉庭有令嗣
鳳閣登仙署兩制主門生九原應自許蒼猶足信吾
道似有訴餘慶在子孫明深可據

故尚書虞部員外郎知制誥張萊州司馬渤海高

公錫

文自成通後流散不復雅因仍歷五代秉筆多艷右高
公在紫微濫觴誘學者自此形彬不蕩亦不野惜哉
傷蹙進忤旨出閣下吾君登大寶允澤連霽洒均陽又
淮陽移徙曾不暇遂無牽復命虛偶文明化何路得自

新貴志入長夜人謂責太深終于郡司馬

故殿中侍御史滎陽鄭公起

柱史有名跡清才自天縱運思慶雲合落筆醴泉湧歌
詩與文賦錚錚人口諷揚袂入澤宮鷓心一箭中恃才
善戲譎負氣好侮美大志有誰知細行乖自訟小諫事世
宗揚佩光寵太祖方歷試握兵權已重上書范魯公
先見不能用曆數不在周謳謠卒歸宋汗漫失屠龍接
輿遂訝鳳行荷伯倫鋪高臥畢卓笈神德不為嫌優待
台憲俸晚求萬泉令吏隱官資兄一旦隨朝露識者弥

哀痛無子嗣家聲身世若一夢文編多散失人口時傳
誦空持一器酒何處澆孤冢

故國子傅士郭公忠恕

汾陽飽經術賦性甚坦率在昔舉神重廣場推傑出尚

書誦在口何論落白筆公應舉時口念總角取科纓紱

早佐襄陰幕漢鼎入周室志罷屠龍佯狂遂捫虱周

行亦免勉吏隱多放逸滑稽東方朔圖畫王摩詰古文

識蝌蚪與學辯萍實字窮蒼頡本篆證陽冰失王績醉

為鄉伯倫居無足俸錢之一囊官路從三黜朱衣多不

着白髮仍墮櫛漸老羈旅年方見昇平日忽以伎術名

此意殊鬱：放口忤無鬚何門求造膝道逃終見捕讎

逐道中卒遺孤落閭闔荒塚鳴蟋蟀手澤漸難求誰家

耀箱帙吊投焚此詩九原應有物

故太子中允知洛陽縣事穎公贊

洛陽富文彩峭拔四子流提筆入廣場萍氣干牛斗擢

第在芸閣言事觸冕旒在降宰百里道勝心無憂才高

耻吏役放蕩不檢脩起應賢良科下筆不見休青宮尚

淹恤赤縣且優游輕財糞土賤高義雲天浮懸磬任負

窶盈樽長猷酬知已彼何人鳳閣與鸞頭推挽終不起
壯志將焉收晚年圯橋後關市良可羞忽焉然為異物
寒草封一丘孀妾應凍餓支友誰尋求遺孫方稚齒矣
秀已適三皇天若有憑必使光昭謀

太一宮祭迴馬上偶作寄韓德純道士

去年暨今夏承詔詞天神昔當搖落時宮葉紅紛：此
未芳春暮官草青秦：三日奉齊潔百骸祛垢氛御署
致恭虔天香何網緼監祀黃門郎攝宮紫微臣松枝拂
劍佩樹影光措紳燈燭晃白晝香花藹清芬金殿禮神

仙壇瑤醮星辰至誠不為己玄鑒當福仁貞明祀事畢
復命趨紫宸揚鞭入村落緩轡聊逡巡麥田少時雨蚕
月無閑人自慚懷祿士蠹此力穡民又拋三洞趣來入
九衢塵不如韓道士長此養天真

送筇杖與劉湛然道士

有客遺竹杖九節兵一枝崔嵬老更長龍骨虬且奇我
問何所來曰從西南夷因思漢武帝求此民力疲明
聖天子德教加四維蠻貊盡臣妾縣道皆羈縻棘僮與
笨馬入貢何粟之此行日行賤輕視如蒿菘我年三十

七血氣未全衰况在紫微垣動為簪笏羈倚壁如長
物歲月無所施寸心空爰惜、此未天涯忽承明主詔
來謁太一祠再見劉先生氣貌清且羸持此以為贈所
謂得其宜少助橘童力好引花鹿隨步月莫離手看山
聊稽頤微物懶致書故作筇竹詩

對雪

帝鄉歲云暮衡門晝長閉五日免常春三館無公事讀
書夜臥遲多成日高睡、起毛骨寒窓牖瓊花墮被衣
出戶看颼、滿天地豈敢患負居聊將賀豐歲月俸雖

無餘晨炊且相繼薪芻未闕供酒者亦能脩教杯奉親
老一酌均兄弟妻子不飢寒相聚歌時瑞因思河朔民
輸挽供邊鄙車重數十斛路遥幾百里羸蹄凍不行死
轍水難曳夜來何處宿門寂荒陲裏又思邊塞兵荷戈
禦胡騎城上卓旌旂樓中望蜂燧弓勁添氣力甲寒傷
骨髓今日何處行牢落窮沙際自念亦何人偷安得如
是深為蒼生蠹仍尸諫官位塞諤無一言豈得為直士
褒貶無一詞豈得為良史不耕一畝田不持一隻矢多
慙富人術且乏安邊議空作對雪吟勤、謝知己

金吾

金吾河朔人事即在賤列攀附周世宗龍飛起魚鼈委
 質向聖朝積功取旄鉞所在肆貪殘乘時恃勲伐皇家
 平金陵九江聚遺孽弥年城乃陷不使雞犬活老小數
 千人一怒盡流血三惑無不具五福何嘗缺晚年得執
 金富貴居朝闕晏樂有清商康強無白髮享年六十九
 固不為夭折考終比牖下手足全啟發子孫十數人鮮
 珮就衰經贈典頗優崇視朝為之輟哀榮既如是報應
 何足說責薄李廣歿賜劍武安滅僥倖過古人况無大

功烈福善与禍淫斯言僅虛設吁嗟為儒者寒餓守名
 節五十朝大夫龍鍾頭如雪無故不殺羊禮文安可越
 何况賓祀間貧苦無羊殺

送戚維戚綸之閩州毫州

古人貴道德豈以祿位拘有道不在位顏回舜之徒無
 德殃且至商受為獨夫以此固名節富貴安足圖睢陽
 戚先生今世古之儒終身不求仕沒齒唯誦書孝受睦
 姻族淳謹化里閭文翁變蜀土尚以德位俱仲淹居汾
 水專用素教敷青子矜草檄比曳朝裾盛德苟無報

吾將道焉如鯉庭生二子驪領委双珠朴厚有父風學
業張皇各登進士科齊乘使者車閣中佐郡政毫社
司權酷佐郎古半刺可使惇廢蘇權酷今叔道亦助軍
國須牽車驥雖屈補履又有餘誰謂佐著作在上積薪
芻謂誰光祿勳其中混瓊瑤我亦何為者先上青雲衢
伐木空求友拔茅未連茹終待奮直筆會當伏青蒲請
慎名典器願分賢與愚彙征補皇極戮力張道樞巨魚
方煦沫相忘在江湖冥鴻當順風淬翼摩太虛此志尚
噓噉口莫良之悲吁若縣且密迩劍閣多崎嶇于伎勿

為教加節聊自娛天素惠好音無惜双鯉魚

送陳侯之任同州

大夫貴自奮何必持詒謀當年功必立古人重為憂太
師忠順公沒世有餘休今子一何賢恥隨資蔭流碌
奉朝請君恩何以酬鬱不快意上章聞冕旒願為循
良吏未甘恩澤候天子嘉乃誠錫命莅同州古三輔北
望推且優詔條得以布民瘼得以求勿謂綺紉子富有
襦袴謳詩云無忝尔禮云必為裘去維旄節免作將
門羞

送朱九齡

吏隱不求貴親老不擇祿之子有俊才弱冠中正鵠弗
墜先人業何慙有道藪一命佐蕩山杞棘聊容足再命
宰嘉興絲桐几聲平易俗率身甘菜茹養母求梁肉承顏
苟不虧折腰未為辱解印無餘貲舟中只琴筑十口寄
淮泗一身未輦轂又說東南行秋風江水綠鄱陽古名
郡赤金流山谷每歲鼓錢刀送未設官局還得便高堂
無辭縻逸躅颺帆江湖思木脫天地肅楓葉紫潤端蓼
花紅景艤津吏曉來迎溪僧夜留宿至止事方簡優游

送所欲江城豐稔梁水市多魚簌三載奉甘飴百錢飽
家族自有綵衣華勿歎藍袍綠行年未三十氣壯顏如
玉行義日以聞烏能長碌々終列侍臣班耀我同年錄
且賦白華詩唱作離筵曲

暴富送孫入吏館

孟郊常貧苦忽吟不貧句為喜王川子画船歸洛浦孟
有忽不貧喜廬全画舫歸洛詩迺知君子心所樂在稽古漢公得高科
不足唯墳素二年佐棠陰眼黑怕文簿躍身入三館爛
目閱四庫孟貧昔不貧孫貧今暴富暴富亦須防文高

被人妬


贈劉仲堪

劉生頗少秀為學識根抵立軒有堂與試脚到塔砌揚
墨恣荒榛揮手欲芟難携文訪謫居趣向非秘勢對挹
雛鳳下交言孤崔淚在璞認良玉行當為國器彼茁見
靈茅佇可供王祭豈止隨眾人區々一枝桂冥哉孫漢
公妻之以女弟吾家兄子之筭年未伉儷恨不早相逢
取子為佳婿

送馮尊師時再為拾遺

前日訪潘閭下馬入窮巷忽見雙筍石臥向青苔上云
是馮尊師秋來畱在茲今說東南行問吾堅氣乞詩又
見宋閣老亦言師甚好欲去天台山即別長安道臺閣
有羣英贈別現與瓊琤然滿懷袖此事殊為榮安用微
吾句吾道方齟齬老為八品官有山未能去束髮號男
兒出處貴得宜出則學學夔獨立稱帝師處則同喬松
決起如冥鴻誰能似蚯蚓蟠屈泥土中師行甚可羨雲
鶴無羈絆為我持此詩題于桐柏觀

王黃州小畜集卷第四



王黃州小畜集卷第五

八絕詩 有序

唐大曆中隴西李幼鄉以官相領滁州刺史始游琅邪
 山立廊應寺故泉有庶子之號李陽冰篆其銘存諸石
 壁白龍泉又次焉由是亭臺溪洞合垂藤蓋謂之八絕
 云皇宋至道元年予自翰林學士出官滁上因作古詩
 八章刻石于寺一名開化者我朝改之也

庶子泉

物趣固天造物景不自勝泉乎未過人石罅徒流迸宮

相政多暇行樂躡岩磴發蒙漲為溪幽致茲焉盛唐賢
大曆後峭壁刻名姓我未一何暮今秋始乘興山勢環
有缺山門壺引柄乍挹清泚姿頗愜幽閑性味將春茗
宜光与曉嵐暝架竹落僧厨遠聲入晴磬何當宿禪室
款枕終夜聽飲多病骨換照久塵襟迫銷盡謫居愁無
心治歸艇

白龍泉

岸石何鑿，渤溘湧山脚含虛光可鑿倒影壁如削漱
漫到前溪支脉通遠壑白龍乃神物胡茲戀一勺勢能

為霖力可興雷電上天未有命茲為縮頭角應防困蝼
蟻况蟠詎敢躍直醢曾是憂豢養殊非樂亦如君子道
出處竒先覺吾生苦遷謫未免郡政縛偶來泉畔坐感
興題秋籜料撒纓且塵成就清漣濯聊將一掬水洗我
面慙昨昨日暮不忍歸風埃滿城郭

明月溪

漲溪者為誰人骨皆已朽我未尋故跡溪荒亂泉吼惜
我幽勝事盡落唐賢手誰餘舊時月團圓照山口

清風亭

茲亭廢已久，厥趾猶在哉。清風為我起，疑有精神來。神交念宮相，臨砌傾一杯。迴頭問黃菊，寂寞與誰開。

望日臺

荒臺隱層碧，雲磴踰百尺。攀蘿試一登，依然有遺跡。掌舒舊砌平，屏卓諸峯直。憑高聊寫望，孤懷念鄉國。長安不可見，但對金烏赤。傾盡葵藿心，庶免浮雲隔。

歸雲洞

碧洞何耽：呀然倚山根。朝雲出如嘔，暮雲歸如吞。大塊氣不死，茲為玄北門。怪石擁左右，勢若驅虎蹲。旁行

數十步，漆黑不可捫。安得鞭燭龍，為吾前馳奔。尋盡神仙窟，一知其源。

陽水篆

冷：庾子泉落，陽水筆雲氣。勢崩垂龍地，互蟠屈嶧山。既劇滅石鼓，又缺失唯茲。數十字道勁，倚雲窟摸印。編華夷流傳耀，緗帙書誠一。藝爾小道詎可忍，乃知出人事千古名不沒。

垂藤蓋

古藤何樛蟠，低蔭庾子泉。童：若垂蓋持在絕壁前。月

穿波影碎露滴岸聲圓曉龍使自醉在溪僧禪昔之
好事者為作出偶然人亡藤已朽猶得聲名傳我欲移
青松植向泉眼邊既圖歲月久復取節搯全所為六不
時所期或千年庶吾不朽名長同偃蓋懸

東門送郎吏行寄承旨宋侍郎

西門送僕射鞍馬照路光南門送貳卿冠蓋遙相望東

門送郎吏艤舟隋堤傍是歲六月十一日僕射呂相公

南陽二十三日予赴除州即吏誠隔品同直白玉堂丈

人况知已振拔在舉揚携手惜我去深勸離別觴醉中

不記事烟水空茫茫醒來聞鳴櫓嘔軋獨一傷猶疑在
禁中殘漏寒了當迴望銀臺間五雲遮帝鄉離散今如
此升沉庸何傷丈人名位峻只欠登岩廊平居倦朝請
高論思退藏園田有別業古木羅修篁亭寒蕭蕭池
波碧泱泱嘗云拂袖去可以傲羲皇丈人果能爾識度
非尋常安車比踈廣辟穀如張良再拜願丈人壽考仍
康強自念山野士不解墮圓方宦途多齟齬身計頗悲
涼行將解簪笏歸去事農桑幸容搥履杖洒掃循丘墻

送林介

八年困名場萬里首慈親吟變閩越聲衣有京洛塵况
復長相依知子文行淳不能致一第應作金鑿臣昔予
敗商洛相送遠涉溱今予謫滁上語別清淮濱途窮與
道喪詎免同沾巾

北樓感事 有序

唐朱崖李太尉衛公為滁州刺史作懷嵩樓取
懷歸嵩洛之義也衛公自為之記其中述直翰
林時同僚存歿且有白鷄黃犬之歎頗露知退
之心及自滁徵拜再秉鈞軸卒以怙權賈禍貶

死海外則向之五言誠空文爾皇宋至道元年
夏五月僕自翰林學士尚書禮部員外郎知制
誥除工部郎中知滁州軍州事到郡之日訪衛
公舊跡樓之與記皆莫知也而郡有北樓通判
史公署登眺終日甚亦自得作北樓感事詩以
見志

北樓出林杪登覽開病姿旁帶滁州城雉堞何逶迤不
入刺史宅却臨統軍池孟統軍鑿小池在樓下伊予翰林客失職
方在茲西衙簿領外盡日吟望時晚窓度急雨夏木交

繁枝淮南氣候殊徑秋轉黃鸝簷前
有山菓採掇亦甘滋樽中有官醞傾酌
甚醇醑忘机得真趣懷古生遠思念
昔李太尉落_一邦家基下筆到西漢料
兵如六奇譎官未此郡_一鬱_一持一麾嘗
作懷嵩樓記文悲盛衰甚得進退理
深明福福机未_一几_一再_一入_一用斯言
忽如遺君思匪膠柱天袂若影隨六
月萬里行炎荒竟不歸功成又名遂
不退將安之姑以人事較勿憑天命
推劄予草澤士被褐復羨蒸謬因弄
文翰八載侍丹墀二入承明廬古人
期並馳玉堂百日罷所累非文辭強
仕未為老望郎

不為界淮邊永陽郡人物自熙熙
費用量所入豐約送其宜一妻本糟糠
不識金翠施三男無庶孽詎愛紈綺
貴甘負絕誅求_一易_一退_一無_一羈_一縻_一五_一十_一擬_一歸_一耕_一何_一必_一懸_一車_一期_一
且予望衛公雲龍_一牙_一山_一廉_一唐_一賢_一昔_一際_一過_一文_一雅_一道_一光_一輝_一進_一
士取將相易於俯拾_一棊_一自_一送_一五_一代_一來_一素_一風_一已_一陵_一遲_一干_一戈_一
為政事茅土輸健兒_一儒_一冠_一筮_一仕_一者_一僅_一免_一寒_一與_一飢_一至今_一明_一
聖代此風猶未移自無經濟材烏用_一碌_一為_一歸_一歛_一復_一歸_一
欵無忘北樓詩

送劉職方

罷直出玉堂詔授尚書郎朝會假郡印承乏來永陽喜

開黃紙書云替劉職方職方老狀頭疇昔名檀場宦遊

三十載寸進鴛鴦行未出六品班鬢髮已垂霜領子新

進生遭時恣翱翔綸闈與內署堂誥侍玉皇夜召赴浴

殿春遊醉柏梁晚出銀臺門朝服含天香為儒能到此

自道摩穹蒼今年四十二典郡清淮旁臥錦郎位正腰

金服色光見君深自媿撫已庸何傷古人重交代子孫

不相忘西掖替左司劉白刑詩章劉夢得贈白公詩云蘇州刺史例能詩西

掖今未替左司况我忝翰林而君列文昌待將官與氏山寺題

脩篁共保不朽名他年比甘棠昇沉何足道聚散安有常且當唱此詩為君送離腸

感興

吾嘗入深山谿谷寒且淫杉檜頽凌雲歲月自朽蠹般輸目不見何由用斤斧東山大夫松中岳金雞樹秦政本獨夫則天乃淫姬名號被常村所幸因一碩為本豈有命偶然生要路誰取澗底松上作明堂柱

老態

白髮不相饒秋來生鬢邊黑花最相親終日在眼前老

態固具矣官情信悠然唯當共心約收拾早歸田

官醞

為郡得官醞月給盈三斛地僻少使車時清罕留獄老
大復遷謫吾懷頗幽獨蟬娟樓上月爛熳池邊菊東院
與西亭脩風弄竹對此不開樽騷人應慟哭獨酌入
醉鄉陶然瞑双目醒來成浩歎胡為事口腹彘酒書垂
誠群飲聖所戮漢文亦禁酒患在糜人穀自沒孝武來
用度常不足推酷奪人利取錢入官屋古今事相倍帝
皇道難復吾無奈尔何且盡杯中綠

射弩

登張見奮史強弩亦古官如何壯夫事今作儒者歆罰
郡在僻左時清政多閑戎裝命賓侶作此開愁顏吳弩
號捷捷僕夫為吾鬱正倭廢已久盡紙為雕盤日暈生
几重桂壁何圍記籌鼓聲急中酌酒量寬誠非軍旅
事亦有堵牆觀安得十方枝長驅逆秦軋射彼老上庭
奪取臙脂山不見一向奴直抵滌海還北方納盡款猷
壽夭可汗吾徒久不武干祿為飢寒所得斗升祿齷齪
在朝班不如執戈士意氣登韓壇白玉鼓醉馳黃

金鞍郡官一生俸供尔數月間儒將前古重素髮衝儒
官誰知戴章甫終老弄平酸偶因見戲念 且慷慨

黑雲裘

野蚕自成繭縠密為山紬此物產何許菜夷負海州一
端重數斤裁染為雲裘守黑移華侈崇儉非輕柔燠香
則無取風雪曾何憂朝可奉冠帶夜以為衾稠晏嬰三
十年庶几跡相侔季子歎貂弊吾服已為憂不取狐貉
者亦當師仲由况我屢迂謫行採賡歌謳映髮垂鷲頂
植杖昂鳩頭袖寬可以舞老農即為儔不曳銀臺門任

尔爭封侯

聞鴉有序

滁淮地也郡堞之上鴻鴉巢焉永夕鳴嘯不已
妻子驚死或終夜不寐因作詩以喻吕前賢放
逐而聞是吕而述云以見吾志

元精自萬彙羽族何茫 為怪有鴉鴉為瑞稱鳳皇鳳
皇不時出未識五色章吾生在鄒魯風土殊遠方鳴鳩
隨乳燕日夕巢我梁翩翩雜鳥在遠屋卒為常又漫筮
仕來五年居帝鄉更直入承明侍宴到未央上林聞鶯

轉巧舌如笙簧鵓鴉徒知名聞見實未嘗頃年謫商山
 聽之已悲涼今茲出內庭尉郡未永陽誰知尔鷓鴣營
 菓在城墻年如睡漸少秋盡漏且長鳴嘯殊不已歷
 含微霜孺人泣我右稚子啼我傍吾心非達士詎免悵
 亦悵人生總百歲忽若石火光其間有窮通幽昧難自
 量我愛卑與夔哉冠裳舞堂蕭韶聞九成丹穴未鏘
 又愛閔與散陳力遇文王驚驚聽岐山多士同道昌吁
 嗟漢賈誼年少謫南荒故有鵬鳥賦倚伏理甚詳邠公
 暨鄴侯放逐同一邦夜深聞此鳥韋公涕沾裳李侯舉

酒令斯音非不祥坐客如不聞罰之以巨觴遂使惡鳥

聾聽之靡所傷天寶中韋邠公謫南州時李鄴侯亦

李侯曰此鳥人以為惡其聲可憐乃令生客贊呈表

有不聞其聲者罰以大白由是聽之厭

川懷鴉義亦滅懷李木耐有乃知昔賢哲未免亦悽惶况

予不肖者邀寵在朝行報國惟直道謀身昧周防四年

兩度黜髮髮已蒼雖得五品官銷盡百鍊鋼何當解

印綬歸以謝膏梁教兒勤稼穡與妻甘糟糠鳳未非我

甘菊冷陶

經年厭梁由頗竟道氣渾蓋春致齋戒勅厨唯素餐淮
 南地甚暖甘菊生籬根長茅出茅土膏小葉弄晴暎采
 采忽盈把洗去朝露痕俸麪新且細澠牢如玉墪隨刀
 落銀鏤黃投寒泉盆雜此青色芳香敵蘭蓀一舉無
 牙遺空塊越盜存解衣露其腹稚子為我捫飽慙廣文
 鄭飢謝魯山元廣文先生飯不足元魯山餓而死况吾草澤士蒸藿供
 朝昏謬因事筆視名通金馬門官供政事食久直紫微
 垣知制誥給改事食自小許公始誰言謫除上章族飽且温既無甘旨
 慶烏用器味繁子美重槐葉直欲獻至尊事見杜工部槐葉冷陶詩

起予有遺韻甫也可与言

霽雨中偶書所見

丙申二月七是夕月離畢春雲忽霽霽春兩復濛密綿
 綿殆三旬不見天日日謫宜在淮甸幽抱常鬱豈無
 琅邪山泥濘不可出空庭唯蚯蚓得勢互蟠屈乘茲積
 陰氣小穴恣出沒山禽忽飛下長嘴咏深窳倒曳方力
 爭強吞遽全失食土与巢林上下非傳匹胡然罹此酷
 不能保微實嗟彼群小傾奪事匪一儀鳳去九夷神
 龍入泉室如何役吾眼瞻視此小物歸來因浩歎自悔

成詩筆

唱山歌

徐氏帶楚俗丁里同巴音歲稔又時安春來恣歌吟接
臂轉若環聚首叢如林男女互相調其詞事奢淫脩教
不易俗吾也弗之禁夜爾尚未闕其樂何惜用此散
楚兵子房謀計深乃知國家事成敗因人心

訓楊遂

楊君江左士文律何飄人言未冠時作賦凌洞簫甲
科中南國江南狀元及第通籍趨東朝入中國為贊善輟軻位不進陶

潛還折腰

復為縣令

宰邑向蜀道崔蒲忽興袂官小力不支

犇竄避槍刀

朝廷貴守土點入縣佐僚昨朝罵孤憤遺

我有客謠伊子亦左迂諷之心無膠人生一世間吾泰

可安逃始問道何如未必諭早高自古富貴者獠亂如

慕蒿德業苟無取未死名已消豈期顏子淵不朽在一

瓢推此任窮達其樂方陶遠則為鷓鴣窮則為鷓鴣


垂天與巢林識分皆逍遙

和陽遂賀雨


我罷內廷職出臨永陽民永陽民雖庶未免多飢貧富

之既無術，為謹身可堪。今夏旱如燎，復如焚。歆田
本塗泥，坐見生埃氣。稚老無所訴，嗷。望穹昊，食祿憂
人憂。晨夜眉不伸，促次獄中因偏禱。鏡內神，楚辭有山
鬼，廟貌羅水濱。胡法有浮圖，寺宇連城闕。齋莊命察案，
供給抽俸緡。鼓笛迎湫水，香花照金輪。誠知非典故，且
慰旱爇人。偶与天雨會，霧沈四郊勻。棹秧復脩堰，野吏
何欣。可辨官賦稅，亦免農艱辛。變調賴時相，感應由
聖君。于我復何有，敢望歌頌流。清流揚水部，德与我為
隣。仇香官位屈，何遜詩格新。見投賀雨篇，言自人口聞。

天君益私我，過竇豈相親。為霖非有我，職業唯詞臣。若
有民謠起，當歌帝澤春。庶使採詩官，入奏助南薰。
使輯百福長
與民為霖



王黃州小畜集卷第五



王黃州小畜集卷第六

揚州寒食贈屯田張貞外成均吳博士同年殿省

柳丞

前年寒食節 待詔直內廷 休假百官出 獨掩深嚴扃 近
侍不敢醉 賜酒空滿斟 閑就通中枕 時聞索上鈴 思入
無何鄉兀然 欲忘形 去年寒食日 滁上忝專城 山歌喧
里巷 春物媚池亭 永陽溪水漾琅邪 山色青 謫官自消
遣 不敢誇獨醒 往取官醞時 對花傾醉來 念身世
翻使淚縱橫 今年在淮海 時節又清明 對案直留事聽

歌無欣聲脊徒費薄領使客煩送迎陞狂來空歌堰棟
勞脩營衰病力不支懶慢性已成虛花滿雙目素髮添
几葦酒散畧無味技樂固難聽誰言寒食日不
烹芘田布素交屈此闕市征昔年同應舉典衣飛巨觥
博士東觀客求官得步兵况早丹陛下前同
丞尹我邑桑梓復弟尤史隱掌籥若終朝談道經三賢
宴會少七夕休假并何不策我馬廢苑尋 螢何不蕩
我舟棲墓訪摘星三春景欲盡九曲渡始平居然逼吏
役頓此阻交情老態厭春華病身憂宿醒如水若不改

藉糟亦胡寧解叩蓄素志吟詩露丹誠維揚非所爰有
便即歸耕

揚州池亭即事

冥心閱群動亦各趨所安胡為名利人戚、常鮮歡吾
生四十四結珮呼郡官掌言入綸閣待詔入金鑿匪謂
得祿少所嗟得道難前年謫滁州憂時双髮殘賴有琅
邪溪時濯塵纓冠朝金徒淮海任重力易殫君恩詎可
報感激涕汎瀾民瘼不能治惻隱情悲酸况復多病身
名官心已闌歸田未果决懷祿尚盤桓公退何所適池

凭一凭欄旭日媚春美微風生鳴瑞呵僅勿挾彈留客
不持竿用真魚鳥馴熙肆遊觀神仙未可學史隱耶
自寬孤吟刻幽石此義非考槃

一品孫鄭昱

卜葬得假告南出安平門鞭馬六十里暮投中書村

翁館我舍茅屋欲黃昏有客忽投刺自称一品孫氣貌

不凡俗因為開酒樽坐久問家謀其族木且繁池州有

清節濫觴發洪源鄭

未

少不受
祿山偽

命由即刺池州不赴任遠隱居嵩洛土五不
最知贈司空細自撰碑

經鉏堂校錄

太傅擅鴻筆入相又出藩

細元和中

鎮

起撰碑其家本開封改號一何尊

細為詞
鄉鳳池

至是至昱始六代布衣老立樊

乾寧中子
親細生祇德祇德之子曰
鳳一品孫
大廟齋即顯德元年終必陽

跨驢入府縣驅犢耕郊原家廟固已

毀國史空具存盛德百世著功必格乾坤高大已不祀

羨網何可論况復起章句乘時寵便藩子孫雖替陵尚

得守舊園我愛三代時法度有深根卿大夫称家世

奉蘋繁四代有定分宦路無馳奔自從雜霸道傾奪日

喧喧脫朱乘金鉞吮筆乘朱軒朝榮暮又辱容易如掌
翻古道不可復顏波孟以禪何況度木者倒置輪与轅
我亦起白屋兩朝直紫垣蔭子有冠裳賞言弟与昆盡
待食人祿將何報君恩農桑國之本孝義古所敦五族
不力穡終歲飽且温雖非享富貴亦以蠹黎元唐賢尚
消歌我輩奚足言呼兒諷此詩播在荒与頃

鳳皇陂

次公治潁川仁政被一方神物不藏瑞茲焉集鳳皇在
昔奏簫韶舜庭來蒼之西伯有至化亦見鳴岐陽仲尼

經鉅堂校錄

豈無德已矣空悲傷夫何刀筆吏而能致殊祥我來過
荒陂烟草但蒼之緬懷漢循吏史筆恐未詳

月波樓詠懷

有序

月波之名不知得于誰氏圖綴故老皆無聞焉
因作古詩一章凡六百八十字陷于樓壁庶使
樓之名与詩不泯也

郡城無大小雉堞皆有樓其間著名者不過十數家吹
蕭事遠覓仙跡費尋求庾公在九江締構何風流謝守
鎮宣城疊嶂名有由東陽敞八詠吾聞沈隱侯白雪架

鄂中調高誰和酬黃雀倚鄂渚仙事去悠悠贊皇謫
上作賦懷嵩立樓居出俗態澤國多勝遊好景不過人
安得名存留齊安古郡廢移此清江頭築城隨山勢屈
曲復環周茲樓巖軒輅曠望西北陬武昌地如掌天未
入双眸平遠無林木一望同離婁山形如八字會合勢
相勾東晉方士戴洋言武昌有山無林山形八字勢不
及九故孫權以黃武元年都武昌八年遷建業
三國事說遠六朝名六休近泛唐未來爭奪互仇讐斯
樓備矢石此地控咽喉終朝望烽燧連歲事戈矛可憐
好詩景平落無人收皇家統萬國遠尔盡懷柔三聖四

經鉏堂校錄

十年蕩：文德脩淮甸為內地黃岡壓上游儒冠假郡
印賤更若公郵冗多辨職吏誰肯恣吟謳伊余何為者
竊慕騷人倚兩朝掌文翰十年侍冕旒去歲出西掖謫
居抱劣愁日：江樓上風物得冥搜何人各月波此義
頗為優西南新桂魄初上懸玉鈎晚瀨清且淺漂蕩影
沉浮三五金波滿夜光如暗投驪龍弄頷珠晃朗照汀
洲澹臺披寶劍碎壁斬長虬水輪曉入地推下赤金球
闌干四五星斜漢印清秋誰家上九燈兕觥劄蕪蘇此
景吟不出謾使聲呦：千里畫圖閣四時興詩幽野花

媚宮纈芳草鋪碧絢火雲照沙浦暴雨傾瓦溝白亂蘆
花散紅殷蒸穗稠簷水垂若練雪片大于鷗江籬烟漠
漠官柳雨颺舟子斜盪漿牧童倒騎牛水獺有時戲
江豚頗能泗山鳥奏箏籟落霞展衾補魚網雪離酒
旗風颺旅懷雖自遠詩物奈相尤右顧徐邈洞精靈
知在不左瞰伍貞廟荒際令人羞樓中何所有官醞湛
虬蟬棋枰留客座琴調待僧抽橘苞鄰藥鼎詩筆間茶
甌平生性幽寂寞誰獻酬官常已三黜懷抱懼百憂
凭欄憶王祭望闕同子牟自甘成潦倒無復事聲猷身

世喻泡幻衣冠如贅瘤放意無何鄉誰分親與仇寓形
朝藉中毀吝任啁啾君思無路報民瘼無術瘳唯慙
祿俸去未耕田疇題詩郡樓上含毫思夷猶功名非范
蠡何必泛扁舟

十月二十日作

是日甚寒始有水

重衾又重茵蓋覆衰爛身中夜忽涕泗無復及吾親
須臾殘漏歇吏報國忌晨凌旦騎馬出溪水薄澹路旁
飢凍者顏色頗悲平飽煖我不覓羞見黃州民昔賢終
祿養往歸隱論誰教為妻子頭白走風塵脩身與行

道多愧古時人

雷

高山春夏旱，雷不降雨及秋。又霖霖雷鼓時一舉，南山復北山，砲檣若瞿虎。君子容必變，所以敬天怒。無乃豐隆鬼恣意，過雷鼓此怒既非天敬之，亦奚取。

秋霖二首

秋霧過百日，歲望終何如。嘉穀就穗生，茁茁垂青鬚。宿麥未入土，大田多泥塗。河澗不辨馬，原高恐生魚。時政苟云失，生民亦何辜。雨若是天淚，天眼應已枯。

經鉏堂校錄

山雲百日雨，山水十丈波。田疇與道路，一夕成江河。巨石大于瓮，吹轉如蓬窠。夏旱既損麥，秋潦復無禾。津梁盡傾壞，商販絕經過。斗米二百金，吾生將奈何。安敢比夷齊，愚聖不同科。應如元魯山，餓死深山阿。元魯山居阻水絕

食而

真娘墓

女命在于色，士命在于才。無色無才者，未死如塵灰。虎丘真娘墓，止是空土堆。香魂與膩骨，銷散在黃埃。何事千百年，一名長在哉。吳越多婦人，死即藏山隈。無色固

無名丘冢宜崔嵬唯此真娘墓客到情徘徊我是好名
士為爾頌一杯我非好色者後人無相咥

遊虎丘

樂天曾守郡酷愛虎丘山一年十二度五馬來松闥我
今方吏隱心在雲水間野性群麋鹿忘机狎鷓鴣乘興
即一到興盡復自還不知使君貴何必長官閑

吳王墓

惜哉吳王墓秦帝嘗開破應笑埋金玉千年賈餘禍不
待虎跡消已間鮑車過又是驪山頭炎、三月火

經鉏堂校錄

橄欖

江東多果實橄欖稱珍奇北人將就酒食之先顰眉皮
核苦且澁歷口復弃遺良久有回味始覺甘如飴我今
何所喻、彼忠臣辭直道逆君耳斥逐投天涯世亂思
其言噬臍焉能追寄語採詩者無輕橄欖詩

為惡

明時巧言士亂世佞倖即佞倖惟苟且巧言頗色藏為
惡雖不同、歸于覆也

